

# AUNTZAK.



Etzutela jan gabe  
 osto puntik uzten,  
 auntzak bazter guziyak  
 larrutzen zituzten;  
 eta bazter beraren  
 jabeak mindurik,  
 maiz botatzen zituben  
 bizardunak andik.  
 Artaz auntz bati jaio  
 zitzayon burura,  
 tranpaz engañatzea  
 nausi etsai ura;  
 eta mozturik bizar-  
 adarrak ondotik,  
 eta otso larru bat  
 arturik gañetik,  
 joanik jabeagana  
 esan zion:—jauna,  
 nik zuzenduko diot  
 darabillen lana;  
 utzitzen badit bere  
 lurretan ibiltzen,  
 nik jardungo det ango  
 bizardunak iltzen;  
 ni naiz otso gaistoa,  
 etsaya aiena,  
 nik garbituko diot

bere bazter dena:  
 eta ura aitzeaz  
 pozturik jabeak,  
 utzi ziozkan libre  
 goiak eta beak;  
 esanaz, arengana  
 fíyatutzen zala,  
 eta ark auntz angoak  
 garbitu zitzala.  
 Artan joan zan otsoa  
 mendira segiran,  
 bañan auntzakin, bera  
 alkarturikan an,  
 pozez otsoa denak  
 zutela erdiyan,  
 lasai segitu zuten  
 gero pikardiyan.

. . . . .

Au da zalanzaririk  
 bear bada artu,  
 ondo bear zaiola  
 nor dan begiratu;  
 ichupetan fíyatzen  
 denak nor nairekiñ,  
 gal lezakela bere  
 buruba arekiñ.

RAMON ARTOLA.

